

Шочмо эл, порылык да чын верч!

Будь готов!

45-ше (3537) №,
2021 ий 5 ноябрь,
кугарня.

Имде лий



1933 ий 1 февраль годсек лектеш.

0+

Шочмо кундем — Онар мланде

101
МАРИЙ ЭЛ

4 ноябрь —
Марий Элын
шочмо
кечыже.



Фотом ансамблын архивше гыч налме.

ПОДПИСКЕ

2022
ийын икымше
пелйжылан «Имде
лий» газетлан
возалташ ваш-
кыза!

Ак - 369
тенгеат 12 ыр.

Индекс - П4696.

Квитанцийым
редакцийышке
колтыза да ЛОТЕРЕЙ
модышышко ушныза.
Түн приз - коньки.



Рекламе.

«Марий Элем — шочмо верем!» — тыге ойлат Марий Эл Республикасые Калык усталык да культурканыш паша шотышто шанче-методик рүдер пеленысе «Онар» ансамбльыш коштшо үдыр-рвезе-влак (снимкыште). Икоян лияш, нелылыкым пырля сенген, у сенгымашыш шуаш тыршыме ўжмаш дене кумло утла йоча ты коллективыште ик еш семын келшен ила. Ансамбльыште марий шүлыш озалана. Тушто марла кушташ веле огыл, марий калыкын историйжым шым-

лаш, шочмо йылмым пагалаш туныктат. Йоча-влак куштымаш гоч марий койшыштым ончыктат. Пеш кертыт. Чылт изи артист улыт. Икманаш, марий калыкын ончыкылыкшо.

2017 ийыште Калык усталык рүдерын вуйлатышыже Т.В.Дмитриева «Эрвел марий» ансамбльлан ончыкылык артист-влакым ямдылыме шонымаш дене «Онар» куштышо йоча ансамбльым чумырен.

Умбажыже 5-ше
лаштыкыште лудса.

«Ямде лий» 2021 ий 5 ноябрь



Марий Элын – ныл вер

23-27 октябрьште Калининградьште «Балтийская легенда» X тўнямбал фестиваль-конкурс эртаралтын. Марий Элын чапшым Йошкар-Оласе 26-шо номеран гимназийын «Дебют» бальный куштымаш ансамбльже (снимкыште), Йошкар-Оласе Бауман лицей пеленысе «Лира» сымкытыш школын «Узоры» мурышо да куштышо йоча образцовый коллективше, Медведево

район Куяр тўвыра пёртын «Кумушки» фольклор ансамбльже араленыт. «Звенящие браслеты» сольный проект ден «На табуреточках» Звенигово вел куштымаш икымше верыш лектыныт, «Марийский край» вальс ден «Лесная птица» проект – кумшо верыш.

Х.АЛЕКСАНДРОВА
ямдылен.

Фотом Интернет гыч налме.

Историйым шергалына

1941 ий 7 ноябрьште Йошкар площадьыште военный парад лийын. Совет войска-влак парад гыч вигак фронтыш каеныт.

1918 ий 11 ноябрьште Икымше тўнямбал сар пытен.

1480 ий 11 ноябрьште Угра эрер воктене руш войска ден татар-монгол войскал вашшогымышт мучашлалтын. Руш кугыжаныш эрыкшым пёртылтен.

Мастарлыкшым ончыктен



Ийготыш шудымо-влаклан Морко посёлкысо социал реабилитаций рўдерын воспитанникше Максим Пименов (снимкыште) «Очарование осени» сўретшым Юл кундем федерал округысо «Вернуть детство» фестивалышке аклаш луктын. Фестиваль 22-25 октябрьште Башкортостан Республикасысе Красноусольск курортышто эртаралтын. Рвезе шыжын моторлыкшым квиллинг йон дене пайдаланен ончыктен.

Н.В.НИКИТИНА.
Авторын фотожо.

Российысе увер

Тунемше, туныктышо, ача-ава-влаклан «Тўвыра марафон» 8 ноябрь гыч 10 декабрь марте эртаралтеш. Российыште икымше кино ончыктымылан 125 ий теммылан пөлеклалтеш.

1-11-ше класслаште тунемше, ача-ава, туныктышо-влак, 15-30 сантиметр кўкшытан пушкыдо модышым ыштен, «Заповедный пушистик» всероссийский конкурсыш ушныза. Тўрыс уверым rgpbz.ru сайтыште ончыза.

Кажне кумылан ег «Создай экспонат для Эрмитажа» тўнямбал конкурсыш ушнен кертеш. Шке ыштыме модышым 5 декабрь марте колтыман. Тўрыс увер – tuntuk.ru сайтыште.

Марий Элысе увер

Республикысе марий тўвыра рўдер «Урок дружбы» проектын пашажым умбакыже шуя. 10 ноябрьште украин калыкын тўвыра да йўлаж дене палыме лийын кертыда, 17 ноябрьште – татар-влакын, 24 ноябрьште – армян-шамычын.

10-18 ияш ўдыр-рвезе-влак, «Человек. Природа. Творчество» йыр-велым шымлыше-влакын республикысе конкурсыштыт мастарлыкдам ончыктыза. Тушко ушнаш йодмашым да пашам marecol-center@mail.ru адрес дене электрон почтыш 8 ноябрь марте колтыза.

Республикысе йоча да самырык-влаклан В.Х.Колумб лўмеш книгагудо #ВместеЯрче республикысе сўрет конкурсым увертарен. Тушко 7-10 ияш йоча-влак ушнен кертыт. Пашам 10 ноябрь марте колтыман. Тўрыс уверым rubcolumba.ru сайтыште лудса.

У Торъял район Тошто Торъял школышто «Историко-технический моделизм» кружок кокымшо ий пашамышта. Тудым директорын воспитаний паша шотышто алмаштышыже, социальный педагог Т.Н.Торощина вуйлата.

– *Ўдыр-рвезе-влакым элнан историйже дене палдарыме, шочмо кундемнам йӱраташ тунжктым, технике дене кылым кучаш кумьлаждыме шонымаш дене проекттым возенна да Марий Эл Республикын Правительство-сы штыжын грант конкурсыштыжойыртмалтынна. Республикысе школла коклаште Кугу Ачамланде сар годсо калыкын героический подвижым шарнымаш дене конкурсышто сеҗышыш лектынна,* – ойла Татьяна Николаевна.

Кружокыш 3-11-ше класслаште тунемше ўдыр-рвезе-влак коштыт. Нуно Кугу Ачамланде сар годсо техникын: танкын, самолётын, машинан, корабльын – 35 гана иземдыме копийжым

погат (снимкыште). Энончыч кажныжым шымлат, схемым лудаш тунемыт. Вара гына пашалан пижыт. Арвер ден схеме-влак моткоч изи улыт, садлан



Сар годсо «техникым» погат

модельым погымо годым эсогыл лупам кучылташ логалеш.

– *Нине модель-влак дене школысо Боевой чап тоштерын пӱлемжым сӱрастарынена. Чылаже 20 наре «изи техникым» погаш шонена. Ик модельым погаш ик тунемме ий кӱлеш. Ёмаште сарысе технике дене кыл-*

далтше латкуд проекттым возенна, – ойла Т.Н.Торощина.

11-ше классыште тунемше-влак «Советский линкор «Марат» модельым кокымшо ий погат. Тудо 430 тыгыде деталь гыч шога. Тылеч посна «Советский танк Т-34», «Советский истребитель ЯК-3», «Советский лёгкий танк Т-26» проект-влакым палемдаш лиеш. Тыге йоча-шамычым шымлыме пашалан шӱмандат. Историко-технический моделизм кугу чытышым йодеш. Ёдыр-рвезе-влак пашам чаткан, чын, тӱшкан ышташ, кужу жап ик верыште шинчаш, нелылыкым чытен лекташ, ончыко ужын мошташ, икте-весын сомылжым пагалаш тунемыт.

Х.АЛЕКСАНДРОВА.

Фотом школын архивше гыч налме.

Шӱмбел Россия

Россия, о шӱмбелем, ава,
Мый шочым

шерге мландыштет.
Тек лийже волгыдо кава
Да келшымаш
кундемыштет.

Торашке кудалтен ом кай,
Мый уло чон ден йӱратем.
Илаш вес калык-влак ден
сай,

Мый пагалем,
мый кугешнем.

Игнатий КРАСНОПЁРОВ.
Татарстан, Агрыз, Кӱлегеш.

Синквейн

Марий Эл
Шочмо, шерге.
Туныкта, куандара, арала.
Марий енын чон шепкаже.
Юзо верна.
Ирина УРАЗАЕВА.
Морко, Шӱргыял.

4 ноябрь – Калыкын икоян улмо кече.

Келшен илена

Мый школышто тӱрлӱ калыкын икшывыже дене пырля тунемам. Кажнын – ойырте-малтше тӱвыраже, йӱлаже, койыш-шоктышыжо. Ме икте-весынам пагалена. Нунын дене кутырен, вес калык-влак нерген шуко ум пален налам. Татар йоча-шамычын каласкалымышт почеш палем: кумдан палыме пайремышт – Курбан Байрам. Удмурт-влакын вургемышт тӱрлӱ тӱсан, пеш моторын коеш. Южо пайремлан нуно кӱсотышко кумалаш лектыт. Ме ойырте-малтына гынат, келшен илена.

Марий Турек школ.



Милана ДУВАНОВАН сӱретше.
Волжский, Пӱтгял.

Юля УСОВА.





Кажне сурт — тиде историй, ойыртемалтше пүреш, илыш. Мый Йошкар-Олаште Чернышевский уремысе 23-шо номеран тошто пörтын эртыме корным пален налынам. Кызыт тушто Калык арвер да сымыктыш тоштер верланен.

Ожно ты пörтыштö поян П.Д.Лоханов ешыж дене илен. Павел Дмитриевич Царевококшайск олесе земский управыште корным чо-

нышо подрядчиклан шотлалтын. Шымлыме пашам эртарыме годым весат раше мын: улан егын Семёновка селаште мукшотарже, садше да пүяже лийыныт. Ик пачашан пу пörтым 1900 ийыште чоным. 1918 ийыште Совет власть тудым Лохановмыт деч поген налын. 1920-1940 ийлаште тушто ремесленный школ, йоча-влаклан кочмывер да молат верланеныт.



Фотом Интернет гыч налме.

Кызыт П.Д.Лохановын пörтшö Марий Элын историко-архитектурный памятникшылан шотлалтеш.

Даша ТИХОНОВА.
Семёновка селасе
21-ше номеран школ.

Пайрем лүмеш

Школыштына Марий Эллан 101 ий темме лүмеш ятыр мероприятий эрталтын. Лена Иванова йолташ ұдырем дене изирак класслаште тунемше-влаклан шочмо кундемнан историйжым каласкаленна. Марий Эл нерген почеламутым марла лудынна. Снимкыште Родион Мамаевым ужыда. Класс шагат деч вара изирак конкурс лийын. Сеныше-шамычым видеош войзен, республикысе конкурсышко ушненна.

Вика МАМАЕВА.

Кужәнер, Йывансола.

Фотом школын архивше гыч налме.



Сöрал улат

Марий Эллан кажне кундемже шке семынже сылне. Ойыртемалтше тўсшö дене турист-влакым сымыстара. Мый Морко районышто илем. Шочмо кундемемым калыкыште «талант памаш» маныт. Морко районышто ятыр уста ег шочын-кушкын. Марий Элын кумдыкшо изи. Калыкше шагал, но ме келшен илена, икте-весым пагалена. Ончыкыжымат шочмо элем чонем куандараш тўнглеш, шонем.

Настя НИКОЛАЕВА.
Морко, Коркатово.

*Йылме — айдемын
шїм кумыл ден вийже...*

Миклай КАЗАКОВ.

Пелед, тўзлане!

Марий Эл! Тый улат мыланна эн мотор. Тыште мынар шуко калык икте-весе дене келшен ила, тўрлö йылме дене кутыра. Марий Элыште марий-влак тўп калыклан шотлалтыт. Йылмыжат сылнын йонга. Йылме — кугезе-влакын полекышт. Садлан тудым аралыман. Шочмо йылме ден шочмо вер чоным ик семын ырыктат. Мый Марий Эл Республикыште илымемлан моткоч куанем. Шочмо йылмем дене кугешнем. Пелед, тўзлане, йöратыме Марий Эл!

Данил БЕЛКОВ.

Морко, Шўргыял.

Юалтараш — йўкшыктараш.
Юванаш — эркышнаш.
Юго — наследник.
Южга — йўштö.
Юкрий — мутланаш йöратыше.
Юлаш — шўведаш, локташ.
Юлгыжшо — ик верыште шинчен кертдыме.
Юлдий — пуста, яра.
Юмедаш — шўрагышташ.
Юмылаш — кержалташ.
Юпстаташ — эркын, вашкыде ышташ.
Юпке — шуйнен возын кияш.
Юпызий — эркын тарванылше, эре вараш кодшо.
Юстырге — пеш эркын.
Ючылий — кужу да вичкыж.
Юштыра — шўштыра.

Ючылий Микале юпке кияш ок йöрате. Пашам юпстатылын ышта гынат, юкрий койышыжлан көра йолташыже шуко, юмедылын мошта. Юлгыжшо Микале кечыгутышто кушто гына ок лий?! Юлдий шинчыше сурт-печым шкаланже налын. Тусо пакчаште юштыра паренгым ончен кушта.

Л.ГРИГОРЬЕВА ямдылен.



Шочмо кундем – Онар мланде



Тўналтышыже – 1-ше лаштыкыште.

Куштымаш гоч марий тўвырам арален кодаш, йоча-шамычым марий йылме деке шўмангдаш шонен. Кызыт Тамара Викторовна пашажым эргыж ден шешкыже, «Марий Эл» кугыжаныш ансамблын солистышт Наталья Анатольевна ден Андрей Борисович Дмитриевмыт, шуят.

– *Мемнан тўн пашана – йоча-влакым тўрлө вере илыше марий-шамычын тўвырашт дене палдараш. Репертуарыштына эрвел, курыкмарий, Шернур, Волжский, Морко вел куштымаш-влак улут. Тиддеч посна моло калык-шамычын куштымашыштым тунемына. Вес калыкын тўвыражым палет*

гын, шке калыкетым утларак аклаш да пагалаш тўнлат, – ойла А.Б.Дмитриев.

«Онар» ансамбльыш 4-14 ияш ўдыр-рвезе-влак коштыт. Ийготым шотыш налын, кум тўшка

дене пашам ыштат. Наталья ден Андрей Дмитриевмыт кажне икшывын моштымыжым ужын, шижын, мастарлыкшым умбакыже вияндат. Шкештат изинек куштат, сандене йочам туныктым методикым сайын палат.

– *Ныл ияш икшывым иканаште таваш огына шогалте. Ик ий наре тўрлө упражненийым ыштена, капкылым ямдылена. Йочан ийготшым шотыш налын, капкыллан могай нелылыкым пуаш лийме методикым эскерен, номер-шамычым шындена,* – ойлат Андрей ден Наталья. – *Кажне группын икмыняр костюмжо уло. Вургемлан эскизым шке ямдылена:*

Лиза ВАСИЛЬЕВА: «Мый изи годсек кушташ йоратем, сандене авам «Онар» ансамбльыш конден. Тыште ме ик еш семын келшен илена. Тўрлө конкурсышто мастарлыкнам ончыктена. Кушкын шумек, палыме артист лияш шонем».

Калык усталык рўдереке профессионал ургызо вургем-влак кым калык костюм негызеш тачысе саманлан келыштарен урга.

Кыдалаш да кугурак груп-

пыш коштшо йоча-влак дене тўрлө конкурсыш ушнат, сенышыш лектыт: «Италмас пригласает» I всероссийский конкурс-фестиваль – II вер, «Тывырдык»

Валерия МАКАРОВА (снимкыште):



«Ансамбльыш нылымше ий коштам. Икымше гана толмем годом изиш лўдынамы: куштен ом мошто, шоненам. Ынде сценыш лўдде лектам. Тыште мый у йолташ-влакым муынам. Кажне репетицийыш куанен коштам».

регион-влак кокласе марий куштымаш-фестиваль – лауреат, «Михаил Мурашко йолташыже-влакым ўжеш» тўнмбал фестиваль-конкурс – кок гана лауреат да моло.


Ўдыр-влакын сценыште йўксө гай ийын коштымштым, рвезе-влакын талын тавымыштым ончен, чон куана. Куштымаш – усталык. Тушко чоным пыштыман.

Е.ИВАНОВА.



Куклинын пашажым шымлен

Шымлыме пашам эртарыме годым тўрлө книгам, газетым, журналым, архивысе материалым шергалат. Шуко ум пален налат. Тыге йылмын сылнылыкшым шижаш тунемат. Советский район Ўшнўр школын 11-ше классыштыже тунемше Люда ГРЕБНЕВА (снимкыште), филологий шанче доктор, профессор, Марий Элысе шанчын сулло пашаенже А.Н.Куклин нерген шымлыме пашам тыгай шонымаш дене возымеке, марий йылмын, марий шомакын вийыштым утларак умылен.



Авторын фотожо.

– *Анатолий Николаевич ятыр чапле книгам возен. Шанче пашаже-влакым шотлен от пытаре. Марий йылмым вияндымашке кугу надырым пыштен,* – ойла ўдыр.

Людан марий йылмым палымыже марий сылнымут дене кылым кучаш тарата. Марий литератур дене олимпиадыште шинчымашыжым терга. Республикысе олимпиадыште кок гана сеныше радамаш лектын. Туныктышыжо З.А.Волковалан кугу таум ойла.

Х.АЛЕКСАНДРОВА.

Марий Эл! Тўгеракын лїмда мыйын калыкем шке шочмо-кушмо кундемжым, кугезе коча годсек илыме мландыжым. Чынак шол, Марий Эл – пеш мотор!

К.ВАСИН.

Марий Эл


Шокшо кече эрден эр Марий мландым ондалеш, Поро кече, поро эр, Марий мланде пеледеш!

Олык онгышто мардеж Тўрлө лывым поктылеш, Йоча гае юарлен, Куэ укшышто модеш.

Тиде мыйын кундемем, Шочмо мланде – Марий Эл. Лишыл, шерге мыланем, Тыште чылажат

шўмбел!

С.ГРИГОРЬЕВА.



Пырыс молан пуным йоктара?



Йошкар-Оласе «Пушистый модник» зоосалоньшто пашам ыштыше Н.В.ВАСИЛЬЕВА (**снимкыште**) вашмутым пуа:

– 8-9 тылзаш улмыж годым пырысын пунжо икымше гана йога. Тудын пунжо вашталтеш: пенгыдыракыш да

«Пырысемлан – лу тылзе. Пытартыш жапыште пунжо чот йога. Черлын ок кой, молгунамсе семынак модеш. Мый тудлан колым, шылым да шорым пукшем. Ала кочкишыжым вашталтыман?»

Н.СОКОЛОВ.

Советский район.

чоштыраракыш савырна. Ик ийыште кок гана йога гын, азапланыман огыл. Утларак да кужу жап йогымо годым ветеринар деч полышым йодман. Тыгай годым ныл йолан йолташ шкенжым молгунамсе деч чўчкыдырак мушкеш: у пуным тошто деч эрыкташ тырша. Сандене, оза-влак, шекланыза: шоло-

раш шуко пун логалеш гын, пырыс черлана.

Ныл йолан йолташда таза лийже манын, арулыкым эскерыман. Кужу пуанан пырысым чўчкыдын шерман. Шинчалан колым, коптитлыме колбасам пукшыман огыл.

Е.СЕРГЕЕВА ямдылен.




Ош пунан Соня

Кажне йочан йоратыме янлыкше уло. Мыят нунын деч ом ойыргемалт. Мемнан суртышто Соня лўман пырыс ила. Тудо ош пунан, кугу шем шинчан. Шуршо гай писе, куанен кудалыштеш. Соням коклан вурсашат перна: пўсө кўчшө дене диваным удыркала. Туге гынат «ош мундыра» мемнам куандара. Тудым чылан йоратена.

Стелла КУЗНЕЦОВА.

Морко, Шўргыял.



Модаш ўжеш

Мыйын Изабелла лўман пырысем уло. Тудо пеш онай. Тўсшө сур, шинчаже ужарге. Кажне кечын школгыч толмем вуча. Вара воктенем шўрангыштеш, пуйто модаш ўжеш. Мыланем Изабелла дене модаш келша.

Юлия МИКАКОВА.

6-шо №-ан Морко школ.

Белка

Мыйын уло сай йолташ, Белка манын лўмденам. Пинегемлан пу модаш – Чарныде куржталыштам.

Мөнгө толмым пеш вуча Да куанжым ончыкта. Шуялтем кидем – куча, Опталта гын, «лўдыкта».

Тимофей МИХАЙЛОВ.
Татарстан, Агрыз, Көлегеш.



Кирилл СОЛОВЬЁВЫН
сўретше.
Волжский, Пөтъял.

Палаш онай

Пий 100 наре мутым шарнен кодеш.



Ушан Кузя

Ачам мамык гай пунан шем пырысым кондыш. Мый Кузя лўмым пуышым. Тудо шошо велеш игым ыштыш. Боня манын лўмдышым. Кызыт Боня – «ушан сонарзе». Кечеш кум-ныл колям куча, пөртыш омсам шке почын пура. Мыйын шонымаште, Боня джунглийыш логалеш гынат, ок йом. Тыгай мыйын ушан пырысем.

Ксения ИВАНОВА.

Звенигово, 2-шо №-ан
Красногорский школ.

Шемеч ден Мурзик

Онай сўрет шинчашке перныш: Пий «омарташте»

Мурзик нералта.

Мыжер коклаш

сайракын урныш

Да, нерым шупшың,

йолжым пералта.

Ок ырле пий, ок кай воктечын, Коклан шыпак ончал

колта унам.

Лач южгунам ышта ик шечым,

Шона чай: варарак канаш шуам.

Кочкаш Шемечлан

шўрым луктын,

Шып эскерен ончен шогем мыят.

А пырыс, «омарта» гыч лектын,

Пелештыш пуйто

«Каналтет тят?»

Кеч пырыс

ен коклаште коштышо,

Йолташыж деке чўчкыдын мия.

Кеңеж ма, теле – толын кошты,

Айдеме семын тек келшен ила.

Е.ИВАНОВА.

Икымше лум

Уремыште — шыже.
Окнаш ончен шинчем. Кече
шылын, мардеж веле
гүжла. Йүр? Уке.
Икымше лум!
Урок пытымеке,
йолташ-
влак дене
пырля мо-
даш куржна.
Ночко лум гыч
марий лумъ-
ным ыштышна.
Нöрышна гынат,
кумылна нөл-
талтше ыле.




Иделия ИШМУРЗИНА.
Татарстан, Агрыз, Буймо.

Урокишто шинчымына
годым икымше лумым
шекланышна: ошын коеш.
Лывыла койын чонештен вола. Ме моткоч куанышна. Но
тудо вес кечын шулыш. Калык палым ончалаш гын, лум
тылзе гыч мландымбалым леведшаш.

Советский, Кельмаксола.

Рекламе.



М. ШКЕТАН ЛҮМЕШ
МАРИЙ КУГЫЖАНЫШ
ДРАМЕ ТЕАТР



6/11 16:00 6+

Мюзикл
Ший Намналче

7/11 16:00 6+

Письма Богу
Оскар и Розовая Дама

КАССЕ 8(8362) 78-13-78 SHKETAN.RU



Ончерын озаже лийыныт

Ончалза, школышкына
могай уна-влак (**снимкыш-
те**) толыныт — чылт йома-
кысе гай улыт! Арысланын
озаже — Кристина Зубина.
Шоншым Диана Якимова
ыштен, а Лиза Кузнецова —
тумнам. Ёдыр-влак Руэм

школышто 2-шо «Г» клас-
сыште тунемыт. Нунын
пашашт-влак «Шыже фан-
тазий» ончерыште йоча-
шамычым куандареныт!

Л.Г.ПАВЛОВА.

Медведево район.

Авторын фотожо-влак.

11 ноябрь — Оригамин
тўнямбал кечыже.

Юля ЯГОДАРОВА.

Сўретым ончен, кага-
зым тодыштын, пинегым
ыштыза.



Шыже каныш

Ачам пакчаште волей-
болла модаш верым
кельштарен. Каныш
кечылаште тушто еш дене модына. Тыге капкылнам
шуарена. Пўртўсыштö канаш пеш сай. Йырым-йыр
тўрлö тўсан чодыра йомакысыла коеш. Кечыжат кава
гыч пуйто «шинчажым» мыланна пўялеш.

Даша ИВАНОВА.

Звенигово, 2-шо №-ан Красногорский школ.

«Ямде лий» газет
Тўн редактор
Л.Н.ГРИГОРЬЕВА.
Индекс: П4696.
Тираж 1550 экз. Заказ
Формат — А-4-8.

https://vk.com/yamde_lii
<https://ok.ru/yamdelii>
E-mail: yamde_lii@mari-el.ru
(документ кагазлан),
yamde_lii@mail.ru
(автор-влаклан)
Сайтын адресше: yamdelii.rf

**УЧРЕДИТЕЛЬ-ВЛАК: Ма-
рий Эл Республикысе
культур, печать да калык-
влакын пашашт шотышто
министерстве, «Кугарня»
газет» кугыжаныш унитар-
ный казна предприятий.**

Газетым редакцийыште по-
гымо да верстатлыме, «Марий Эл Республикысе
Правительствын типографийже» ООО-што ямде оригинал-
макет гыч савыктыме. Типографийын адресше: 424000,
Йошкар-Ола, Комсомольский урем, 112.

Газетым Кыл, информационный тех-
нологий да массовый коммуникаций
сферым эскериме шотышто федераль-
ный службын Юл кундем федеральный
округысо управленийыштыже регис-
трироватлыме.
Номер — ПИ № ТУ52-01335,
2021 ий 29 сентябрьыште пуымо.

0+

Печатьыш пуымо жап —
14-00,
фактически — 13-00

Авторын да редакцийын шоныма-
шышт тўрлö лийын кертыт. Серыш-
влак мөнгеш огыт колталт.
Ак — кутырен келшыме почеш.

Редакцийын да издательнын адресше:
424006, Йошкар-Ола, СССР Вооружённый
Вийын 70-ше идалькше урем, 20-шо пöрт.
Тел. 8(8362) 45-22-82(факс)



Конкурс

Ника КИБАРДИНА.
Одо кундем, Карагёл,
Ныргындыш.




Андрей ШУРМЕТОВ.
Татарстан, Агрыз,
Пелемеш.

Туньк-
тышо
икымше
классыште
тунемше деч
йодеш:



- Вачи, кокытым кокытым
ушет гын, мыняр лием?
- Чылы-ы-ы-т...
- Молан шортат?
- Мыланем «визыта-а-н»
кijлеш!

Судоку



Радамлаште уто сүретым палемдыза.




Икгай кок сүретым муза.

Чиполлино ден ачаже 5 мешак
пареҥгым нөрепыш пыштеныт,
кешырым – кум мешаклан шагалрак.
Ик мешакыш 20 кило пакчасаска пура гын,
чылаже мыняр килограмм погына?



Задаче

**Маскалан мүй дек
корным муаш полшыза.**



Вашмут:

**Тыгай фигурым ышташ
мыняр кубик күлеш!**

Тушто-влак

Умшаже кугу, да карен
ок керт.

Телым шылтат, кенегежым
ончыктат.

Куанышым – куандара,
ойганышым – шортара.

Чолга шинчан, вичкыж
кыдалан йогын энгер
үмбалне шинча.

Интернетгысе сүрет-влакым кучылтмо.

